

## **Protocol da la radunanza generala dals 4 december 2009, a las 20.30 i'l Cafè Sala**

### **Tractandas**

1. salüd dal president e s-chüsas
2. tscherna scrutinaduors
3. prelecziun dal protocol da la radunanza generala 2008
4. rapport annual dal president
5. rapport da la chaschiera e dals revisuors da quint
6. rapports dal schef da pista, schef da turas, president Super-G., delegià Traversada e Stafetta tras Sent
7. mutaziuns ed onurificaziuns
8. tschernas
9. fixar contribuziun annunala
10. program da l'on
11. varia

### **1. salüd dal president e s-chüsas**

A las 20.40 po il president Christian Poo salüdar a 19 commembers. S-chüsats s'han la chaschiera Adriana Preuss, il schef da material Plasch Caviezel, Chasper Valentin, Nesa Valentin, Anke Kasper, Thomas Dietrich e Marlies Zimmermann.

La radunanza s'adozza per ün minut da silenzi in memoria da Reto Buchli chi d'eira president dal club da skis dal 1983 - 1988. El es mort quist prümavaira.

### **2. tscherna scrutinaduors**

Sco dombravuschs vain nomnà ed elet Chasper Buchli.

### **3. prelecziun dal protocol da la radunanza generala 2008**

Il protocol da la radunanza generala 2008 es gnü tramiss insembel cul invid. El vain . approvà cun unanimità da las vuschs.

### **4. rapport annual dal president**

Il president Christian Poo orientescha davart arrandschamaints dal club d'ürant l'on scuors. Tscherts evenimaints han gnü daplü success oters damain. I's prevezza da far eir inavant la joslada cuort davo Büman. La cuorsa da FIS nu vain organisada quist on. L'ingaschamaint es fich grond e' l guadogn final es minimal. Quista decisiun es gnüda tratta dals presidents dals clubs chi han organisà las ultimas cuorsas da FIS. Il president ingrazcha a tuot quels chi han sustgnü al club d'ürant l'on in üna o tschella maniera, plünavant ingrazcha el eir a tschels commembers dal comitè e spera d'avair sustegn cull'organisaziun dad arrandschamaints eir in avegnir.

In venderdi, 11 december 2009 vain inaugurada la nouva pendiculara da Scuol sülla Motta Naluns, sgüra ün fat da grond'importanza per tuot la regiun ed impustüt eir pels clubs da skis.

## **5. rapport da la chaschiera e dals revisuors da quint**

Culla chascha dal club vaja bain. Il club ha pudü far ün guadogn da 666.75 fr. d'ürant l'on scuors e'l chapital agen importa uossa 22'691.- fr.

Ils revisuors da quint Duri Valentin e Domenic Bass han revis il quint. Quel vain fat bun cun dar dis-charg als organs responsabels.

Mario Riatsch fa la dumonda co chi stetta cun sustegns per atletas ed atlets chi sun commembers dal club e da la societä da promoziun da sport da skis da la regiun Parc Naziunal. Christian Poo mazuna cha'ls clubs pajan a quista societä per mincha atlet junior üna contribuziun da fr. 300.- e per mincha uffant üna da fr. 150.-. Ün considerabel import dad intuorn fr. 1500.- sto gnir surtut amo dals genituors e'l rest vain lura finanziä cun donaziuns e sponuors chi vegnan tscherchats da la suprastanza da quista societä. Ün atlet cuosta in media fr. 4800.- a la societä da promoziun da sport da skis da la regiun Parc Naziunal. La lavur operativa vain fatta da l'Institut Otalpin da Ftan.

## **6. rapports dal schef da pista, schef da turas, president Super-G., delegiä Traversada e Stafetta tras Sent**

Jon Buchli rapporta cha'l passlung nun haja gnü lö causa mancanza da partecipants, al slalom han partecipà 18 curriduors ed al slalom gigantesc 28.

Il rapport dal schef da gitas e dal Super-G vegnan fats dad Andri Poo. Causa chi ed gnüda vaira blera naiv quel di chi füss statta previssa la gita in Fenga, haja dat ün müdamaint dal program. Id es gnüda fatta üna gita sül Piz Clünas. La 2. gita nun es gnüda fatta causa chi nu's vaiva annunzchà ningün.

Quist on ha lö il 25avel Super-G Champatsch. Il comitè actual til organisescha pell'ultima jada. Dal 2009 s'han partecipats 82 skiunzs a quista cuorsa. La relaziun tanter agüdants e partecipants nu sta plü in üna relaziun chi cuntainta.

Il rapport da la Traversada vain preschantà da Georg Buchli. Pella 12avla Traversada sun partits 113 partecipants, tuots han raggiun il böt illa Sesvenna. Üna gruppa ha absolt tuot il traget in ün temp da 3 h 47 min. I's tratta d'ün temp da record. Il böt da la Traversada resta però la spassegiada da cumpagnia. Da la partida d'eiran eir diversas persunas dal Vnuost. Gruppas dal Paznaun nu d'eira quista jada. La prosma Traversada ha lö dal 2011. Dal 2010 ha lö la traversada dal Vnuost da la chamonna Oberettas fin illa Sesvenna, quista traversada as nomna nouv Romansweg. Ün ingrazchamaint special pertocca al comitè d'organisaziun chi's cumpuona da Georg Buchli, Cla Rauch, Cristian Juon e Gisep Stricker, sco eir a Linard ed Andri Guler per lur grond lavur in connex culla Traversada (transports e gravar medaglias).

Il president fa la proposta chi's pudess organiser üna partecipaziun a la traversada Romansweg cun evtl. organiser e sustgnair ün transport our il Tirol. Georg Buchli piglia per mans la chosa.

Andri Gritti orientescha cha la partecipaziun a la stafetta tras Sent saja statta fich buna cun 26 squadras cun in tuot 133 curriduors. El ingrazcha a tuot ils agüdants, als tempaders, a Seraina Riatsch chi organisescha la gimnastica per as s-chodar aint ed a quels commembers dal club chi organiseschan l'ustaria. Plünavant pertocca ün ingrazchamaint a quellas duonnas chi han fat üna torta ed a la lattaria chi ha miss a disposiziun ils premis per üna predsch fich favuraivel. La data da la prosma stafetta vain fixada süls 18 gün 2010.

## **7. mutaziuns ed onurificaziuns**

Il club ha la furtüna da pudair eir bivgnantar a plüs novs commembers chi vegnan artschvüts cun applaus: Tina e Christoph Weiss, Anke Kasper, Chasper Alexander Felix e Peter e Cornelia Gredig.

Gianna Bettina ed Andri Gritti, Ueli e Linetta Krebs, Sigi Hunn, Claudia Luppi, Men Werro e Mario Zanetti vegnan onurificats sco commembers veterans cun quai chi fan part 25 ons al club da skis da Sent.

## **8. tschernas**

Adriana Preuss vain reeletta cun applaus amo üna jada sco chaschiera, adonta cha da princip vaiva ella giavüschà da pudair demischiunar. Eir Domenic Bass vain reelet sco revisur da quint. Il rest da la suprastanza e'l seguond revisur vegnan reelets pür in ün on.

## **9. fixar contribuziun annunala**

La contribuziun annunala vain fixada sün 25.- fr. per persunas sainza commembranza da Swiss-Ski.

## **10. program da l'on**

Il program da l'on es gnü protramiss. La joslada our il Restorant da Muntogna ha gnü grond success ils ultims duos ons e vain organisada eir al principi dal 2010. Tschels müdamaints sun fingià gnüts comunicats i'l pled dal president. Nouv vegnan organisadas eir gitas cun gianellas cun Mario Zanetti, chi ha fat il cuors da manader da spassegiadas e chi ha eir las infuormaziuns ingio ch'el po far quistas spassegiadas sainza metter in privel a partecipants e disturbar la sulvaschina.

Il president intimescha als magisters dad organisar darcheu üna cuorsa da skis. Davart da magisters preschaints vegna spiegà la problematica da sforzar da far alch cha plü o main ningün nu predscha plü e cha tuot fa be il pussibel co ch'el gniss liber da's participar (p. ex. cun retrar dis da joker). La stafetta polisportiva ha gnü grond success e la motivaziun pro'ls scolars es fich gronda. Quista occurrenza gnarà organisada eir inavant.

## **11. Varia**

Not Buchli dumonda amo ün pêr spiegaziuns a regard società da promoziun da sport da skis da la regiun Parc Naziunal. Il president orientescha cha minchün possa dvantar commember da quista società e sustegner uschea als atlets indigens.

A las 21.50 serra il president la radunanza.

L'actuar

Mario Rauch